

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 65 (1980)

Heft: 15

Artikel: Cronica : entschatta mars entochen la fin da settember 1980

Autor: Berther, Norbert

DOI: <https://doi.org/10.5169/seals-881836>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Cronica

(Entschatta mars entochen la fin da settember 1980)

Fatgs romontschs

picte saper case ed ha clamau. In autre buob ha sittau cun in fibert sin el. Enteiter quindiech dis ein omiadus morts.⁷⁰ La detga para d'esser ina

Viriveri a caschun dall'elecziun dil niev secretari dalla LR

Ils 19 da mars elegia la suprastonza dalla Ligia Romontscha *Hans Caprez* sco niev secretari dalla Ligia Romontscha. Hans Caprez ei naschius 1940 ed ei burgheis da Castrisch e Trin. Suenter ch'el ha dau enzacons onns scola primara e secundara el Grischun, eis el s'occupaus sco schurnalista, igl emprem tier la «*Neue Bündner Zeitung*» e dapi 1971 tier il «*Schweizer Beobachter*». Hans Caprez fa part dalla Renania. La Romania vegn buca risguardada quella gada, sco quei ch'igl ei stau usit entochen ussa. Quei fatg leventa ina gronda malaveglia. Candidats ord il territori romanian eran Theo Candinas e Rinaldo Gadola. Theo Candinas valeva sco candidat officius dalla Romania. Damai ch'el ei buca vegnius elegius, seretila el cun vigur immediata da tut ses uffecis tier la Ligia Romontscha: sco suprastont, sco president dil cussegl da scola dil seminari da mussadras e sco autur dalla nova grammatica sursilvana per emprender romontsch. – L'elecziun da Hans Caprez provochescha ina gronda discussiun ella pressa romontscha ed era ella tudestga grischuna e svizra. (Cump. *Gasetta Romontscha* (GR), 25-3-1980; *Bündner Zeitung*, 20-3-1980; *Neues Bündner Tagblatt*, 21-3-1980; *Neue Zürcher Zeitung*, 26-3-1980).

Ils 28 da mars seraduna la suprastonza dalla Romania per sediscuorer tgei far e tgei concluder arisguard l'elecziun dil niev secretari. Suenter ina liunga e per part burasclusa discussiun decida la suprastonza da clamar ina radunanza extraordinaria dils delegai dalla Romania ils 10 da matg. Treis dis avon, ils 7. d'avrel ha liug a Rabius in inscunter dalla giuventetgna dalla Romania (pli baul secziun studentica dalla Romania). La radunanza sustegn ina representanza duida dalla Romania ella surpastonza dalla LR, senza denton vuler maiorisar ella e senza far ruclar tgaus. La giuventetgna sedeclara era promta da collaborar cun Hans Carepz senza pregiudezis confessiunals e politics. – Ils 10 da matg seradunan lu ils delegai dalla Romania ad ina radunanza extraordinaria a Trun. Il meini general ei che la Romania seigi sutrepresentada e ch'ina correctura seigi necessaria. Ils delegai pretendan perquei che la Romania dueigi esser representada ella suprastonza dalla LR naven da 1982 – la fin dalla perioda d'uffeci – cun dus dils tschun da quei gremium. Plinavon decida la radunanza – sin proposta dalla Romania da giuventetgna e da cuss. dils stans, dr. Luregn Mattias Cavelty, da proponer ina eventuala fusiun cun la Renania. Quella decisiun mutta ina certa surpresa. La radunanza pren in decuors viv e decidiu. Il representant dils giuvens, stud. fil. Leo Tuor, Rabius, criticheasca vehementamein igl agir dalla suprastonza dalla Romania pertuccont l'elecziun dil niev secretari. Theo Candinas fa grevas reprosches al president dalla LR, Romedi Arquint che surdrovi siu uffeci per motivs politics.

(Cump. GR, 13 e 16-5-1980, Bündner Zeitung e Neues Bündner Tagblatt dils 12-5-1980).

Ils 30 da matg succeda puspei ina sensaziun. Hans Caprez demissiunescha sco secretari dalla LR avon che entrar en uffeci. En sia abdicaziun scriva el, che sia mira da survir spirontamein al manteniment dil lungatg romontsch seigi buca segirada. – Suenter quella decisiun cloma la suprastanza dalla LR ils 11 da zercladur dr. *Bernard Cathomas* sco niev secretari. Bernard Cathomas ei naschius 1946 a Breil. Igl onn 1967 ha el fatg la patenta da scolast primar e silsuenter dau scola a Pigniu ed Andiast. Suenter in studi da germanistica e historia all'universitad da Turitg ha el doctorau cun ina lavur sociolinguistica sur dalla bilinguitad dils Romontschs. Dapi 1973 instruescha el tudestg al Seminari da scolasts a Cuera.

Radunanza da delegai dalla LR a Breil

La radunanza da delegai dalla LR, che ha liug ils 21 da zercladur a Breil, elegia sco successur da Theo Candinas prof. Isidor Winzap sco niev suprastont dalla LR. Dr. Arnold Spescha daventa suppleant da quei gremium. Plinavon decidan ils delegai dad empalar vinavon las propostas dalla Romania che pretenda el futur 2 suprastonts ed in turnus flexibel dil presidi dalla LR.

Expertisa pertuccont pressa romontscha

Enconuscentamein han ils delegai dalla LR incaricau igl onn vargau ina cumissiun cun il studi davart la pressa romontscha. Da quei gremium han fatg part: Romedi Arquint, dr. Martin Bundi, dr. Bernard Cathomas, Rico Falett, Remi Capeder e dr. Iso Camartin. A caschun dalla radunanza da delegai a Breil presenta il president, Remi Capeder, ils resultats dalla expertisa. La cumissiun ha elaborau tschun models: gasetta quotidiana romontscha, gasetta jamnila romontscha, gasetta jamnila illustrada, supplement interromontsch en tuttas gassetas romontschas e sco 5avla proposta sustener las gassetas existentes. Per realisar quels projects drova ei dabia daners. Ils deficits calculai muntan denter 200 000 e 1 500 000 francs. La radunanza da delegai pren enconuslientscha dil rapport che vegn suttamess ad ina vasta procedura da consultaziun als pertuccai.

Dapli cumpetenzas per la Cuminanza radio romontsch

La Cuminanza radio romontsch accepta ils 7 da zercladur las novas statutas. Quellas dattan alla CRR il status d'ina regiun cun dapli cumpetenzas pertuccont il program e las elecziuns dils collaboraturs dil radio e dalla televisiun.

Religiun

Ils 24 d'uost benedescha igl avat da Mustér, Victor Schönbächler, la caplutta da Mompé Medel, renovada internamein ed exteriuramein. Vicari general, sur Giusep Pelican, fa il priedi festiv ed in chor ad hoc dil vitg conta la messa latina da siu convischin Claudio Simonet. – La renovaziun ei veginida realisada sut la direcziun dils architects Gebhard Franz (Herrliberg), Fetz (Glion), Reto Schnoz e Rico Castelberg (Mustér). Sco president dalla cumissiun da baghegiar ei Sigisbert Desax staus a disposizion. (Cump. GR, 22-8-1980).

Cultura

Undraziun per sur Felici Maissen e Zarli Carigiet

A caschun dalla surdada dil premi cultural dil Grischun a dr. Christoph Simonett da Ziraun obtegn era il historiograf sursilvan, sur Felici Maissen in premi da renconuschientscha da 5000 frs. per sia gronda laver sco scrutatur dalla historia grischuna. La medema menziun obtegn era Zarli Carigiet per sias prestaziuns sco cabaretist oravontut el Cornichon duront l'uiara mundiala.

Senda d'uaul Grütli a Tujetsch

Grazia agl agid da l'Uniun da cura e traffic Sedrun han ins saviu realisar ina senda d'uaul Grütli egl uaul da Scharinas a Tujetsch. Per liung dalla senda ein plontas e caglias dessignadas cun numeras ch'ein d'anflar en ina broschura corrispondenta cun las explicaziuns necessarias.

Novas bandiers

Ils 5 da zercladur inaugurescha il *Chor viril a Breil* sia nova bandiera. Il medem di – da Sontgilcrest – fa l'Uniun da giuventetgna da Breil parada per l'emprema gada en las novas uniformas. – Ils 25 da matg inaugureschan la *Societad da musica* ed il *Chor mischedau d'Andiast* lur nova bandiera communable.

Fiesta populara en favur dil Museum regiunal sursilvan a Glion

Per saver finanziar il Museum regiunal Surselva ella «Casa Carniec» a Glion organiseschan ils responsabels dils 6 entochen ils 8 da zercladur ina fiesta populara a Glion. Venderdis, ils 6 da zercladur, ha liug ina auczun da ver 80 ovras

d'artists grischuns. La sera suonda in divertiment popular cun las uniuns da Breil, Mustér, Flond, Ladir, Lumnezia, Luven, Glion, Sursaissa, Rabius e Val. Il di suenter muossan mistergners e puras activitads tradiziunalas e meins enconuscentas e la sera suonda ina sera da divertiment cun collaboraziun dalla Ligia Grischa, dalla Societad da musica Sumvitg e dil Chor mischedau Schluein.

Les differentas tscheveras «normalas» e da diaja, ch'ina sa ampostar tenor in plan, sonnan repartidas en sitgets da vacuum. — L'idee da quella acaun ei de dar la **Exposiziuns** a nos vegis e malsausa da etar aschi ditg seo pussivel e oca. egi

Ella Gallaria Toja Isenring a Lags exponan naven dils 25 da fenadur entochen ils 10 d'uost 4 artists lur ovras: *Karl Bühler* (Turitg), *Tarcisi Cadalbert* (Sevgein/Turitg), *Victoria Derungs-Maggi* (Vella) e *Gieri Schmed* (Trun). (Cump. GR, 29-7-1980). — Ina ulteriura exposizun ha liug ella Casa cumin a Glion. Ella ei vegnida aviarta ils 26 da fenadur e muossa maletgs da *Christian Blumenthal* (Murissen). — A Mustér el hotel La Cucagna expona *Stiafen Caduff* da Tavanasa (Tavanasa/Turitg) sias ovras naven dils 2 d'uost entochen ils 6 da settember. El ha gia fatg differentas exposiziuns, la davosa ei stada il fevrer vargau ella Gallaria Stiva grischuna a Turitg. — Era la Cuort Ligia Grischa Trun organisescha dils 16 entochen ils 28 d'uost ina exposizun. Quella gada retracta ei buca d'in artist sursilvan, mobein d'in pictur bernes, *Charles Flasch* che ha passentau sias vacanzas da 1881–1924 si Breil. Ils maletgs exponi representan la cuntrada da Breil e divers portrets da quella vischnaunca e contuorn.

Ina exposizun d'autra natira ha liug dils 26 da fenadur entochen ils 18 d'uost ellas vitrinas dalla fatschenta Globus a Cuera. *Gion Arthur Manetsch* e *Pieder Decurtins* realiseschan ina exposizun davart ils *cumins grischuns*. El center paradescha la gruppa dil cumin da Mustér cun las uniformas dil 17/19avel tschentaner.

Fiesta cantunala da cant a Mustér

Ils 14 e 15 da zercladur ha liug a Mustér la 20avla fiesta cantunala da cant. 96 chors cun varga 4500 cantadurs fan part da quella, quei che munta in bienton dapli che alla davosa fiesta a Tavau 1974. Il hosp il pli prominent ei cusseglier federal Leon Schlumpf. — Ina attracziun tut speciala munta il concert da nov chors da giuvenils cun rodund 500 cantadurs. Cun quella caschun han ins saviu udir per l'emprema gada la cantata festiva «Rezia» da prof. Gion Antoni Derungs (text: Giusep Durschei) interpretada dil Chor viril e da scolars da Mustér sut la direcziun da Giusep Huonder.

Las canzuns da pag vegnan cantadas ella baselgia parochiala ed el sanctuari dalla claustra. Ils suandonts chors sursilvans fan part dalla fiesta: *Fetg bien* (aur): Chor mischedau Rezia Cuera; Chor baselgia Razén; Ligia Grischa, Glion; Chor mischedau Suraua; Chor viril Alpina Flem; Chor viril Trun; Chor viril Rabius; Chor viril Vuorz; Chor viril Concordia Bonaduz; Chor viril Grischun Turitg; Chor viril Lumnezia.

Bien (argien): Chor viril Breil; Chor viril Trin; Chor viril Domat; Chor viril Rueun; Chor mischedau Vuorz;

Cun rapport (senza rangaziun): Chor mischedau Sedrun; Chor mischedau Sumvitg/Cumpadials; Chor mischedau Danis/Tavanasa; Chor mischedau Cumbel; Chor viril Laax; Chor mischedau Schluein; Chor viril Lumbrein; Chor viril Alpina

Cuera; Chor cecilian Glion; Chor viril Falera; Chor mischedau Surrein; Chor mischedau Zignau; Chor mischedau Murissen; Chor mischedau Vrin; Chor mischedau Vella.

Denter ils chors che han buca schau rangar sesanflien – tenor mein i dils derschaders – numerus che havessien maneivel fatg aur ni argien.

Ils 24 d'uost benedescha iei avai da Mustér, Victor Schönbächler, te capturta da Mompé Medel, renovada internamente ed exterioramente. Vicari general, sur Giusep Pelican, fa il priedi festiv ed in chor ad hoc dii viig conta la messa convegnin Claudio Simchot. La renovazun e vegnia realisada sur la direction

Sport

Dis da gimnastica per ils affons lumnezians ad Uors

Ils 10 da matg semesiran ils affons dalla Lumnezia – en tut eis ei 280 – per la secunda gada en differentas disciplinas da gimnastica sco per exemplu enten siglir per liung, enten fierer la balla ed enten cuorer. L'occasiun sportiva, che ha liug ad Uors, vegni realisada dalla Uniu sportiva Padrus Cumbel-Murissen.

Emprema stafetta da stad ella Cadi

Ils 10 d'uost organiseschan las uniuns da traffic da Mustér, Sumvitg e Trun ensemens cun enzacontas uniuns sportivas per l'emprema gada ina stafetta da stad che meina naven da Trun entochen a Mustér.

Excellent tiradurs sursilvans

Al Tir da Tgalavaina, che regorda alla battaglia da 1499, fan ils Sursilvans excellents resultats: El sittar cun buis sin ina distanza da 300 m van ils sitturs da Ruschein cun la standarta en ina concurrenzia da 75 gruppas. En quella disciplina sieti G. Mathias Decurtins da Trun il meglier resultat singul. Denter ils 5 megliers, che retscheivan ina medaglia speciala d'aur, sesanflan aunc Gion Murezi Gliott da Lags e Gaudenz Alig da Sursaissa.

Fatgs socials

Niev plaz da giug per affons a Rueras

La stad vegn il niev plaz da giug per affons a Rueras surdaus a sia finamira. El cumpeglia divers requisits da giug, sco p.ex. la tuor da vesta cun ina «funiculara» da ca. 25 meters lunghezia. Ils affons pigns san selektar sin in carussel da tuorn. Tut ils objects ein fabricai ord lenna rodonda e van aschia bein a prau cun la cuntrada. Il niev indrez ha l'Uniu da cura e traffic da Sedrun realisau.

Survetsch da tschaveras per vegls e malsauns a Mustér

A Mustér realisescha il cerchel social-caritativ dalla pleiv il zercladur in survetsch da tschaveras preparadas. Ei setracta da demonstraziuns gratuitas e per cass ch'igl interess fuss avon maun, vegness quei survetsch realisaus permanentamein. Las differentas tschaveras «normalas» e da dieta, ch'ins sa empustar tenor in plan, vegnan repartidas en sitgets da vacuum. – L'idea da quella acciuon ei da dar la pusseivladad a nos vegls e malsauns da star aschi ditg sco pusseivel a casa, egl agen ambient. Semegliontas emprovas han ins era realisau a Glion ed a Flem.

Niev spital a Glion

A caschun dalla radunanza da delegai dalla Uniun sursilvana da spital dils 25 d'avrel rapporta il president, dr. Dumeni Columberg, puspei davart l'engrondazion dil spital. In novum el decuors dalla planisaziun ei il fatg che la Congregaziun s. Giusep ha schenghegiau igl anterius pensiunat alla Uniun da spital. Perquei ha la cumissiun da baghegiar reponderau ils plans per l'engrondazion. Ella ei vegnida alla perschuasiun che la megliera sligiaziun fussi ei da construir in baghetg dil tuttafatg novs. Quel vegness baghegiaus sil sulom dil pensiunat. Il spital vegl da 1912 daventass piazza libra, ferton ch'il tract da 1960 survess per gronda part sco casa d'emploiai. – Quei niev project custass ver 30 milliuns francs, pia 10 mill. dapli che per la renovaziun. La radunanza concluda da conceder in secund credit ella summa da 130 000 francs per saver canticuar cun la projectaziun.

Dalla suprastanza seretila mistral Teofil Schmid, Sedrun. En siu stagl vegn canzlist Stanislaus Gamboni, Sedrun, tscharnius. Dalla suprastanza pintga seretrai medemamein mistral Benedetg Vincenz, Siat, che vegn remplazzaus dad Alfred Rieder da Val s. Pieder. Niev commember dalla suprastanza daventa dr. Gieri Wieland, Glion.

Era Lags fe part della Corporaziun da vischmaucas Surselva

La radunanza da delegai dalla Corporaziun da vischmaucas Surselva decide in

Scola

Novas casas da scola

Cun l'entschatta digl onn da scola 1980/81 san ils scolars da *Lags* frequentar ina nova casa da scola. Era a *Mustérein* ins vegni a fin cun il niev edifeci, aschia ch'ina part dils scolars san far diever dallas novas localitads. Ils auters van en la vedra (gest dasperas) che vegn renovada externamein igl onn proxim.

Nova scoletta per Lumbrein e Vrin

Ils 15 da settember sa la nova scoletta da Lumbrein e Vrin arver sias portas. La mussadra, Mariuschla Capaul-Cabalzar, instruescha in di a Vrin (mintgamai 3

uras) e l'auter di a Lumbrein. La realisaziun da quella instituziun ei stada pusseivla grazia agl agid finanzial dil Club da Rotary dalla Sutselva turitgesa che ha vuliu gidar a realisar in project en in vitg muntagnard a caschun da siu giubileum da 75 onns.

Scolaziun da carschi en Surselva – Mirosv ab aegle ne zebihsaqen riangewige, easab a levissauq oos glib irioas rafe sb amuselm a elgev son a bebsivjeaqb il fevrer e mars ha liug el Benefici dalla Claustra da Mustér a Rumein in cuors davart il tema «Co menar ina discussiun» che vegn menaus dad Ursula Lanz cun agid dil secretariat central dalla giuentetgna. – El medem liug plaida ils 22 d'avrel prof. dr. Margrit Erni sur dil tema: «La tema – in problem dalla veta; la tema – in problem dalla educaziun». – El decuors digl unviern organisescha l'Uniun da dunnauns e mattauns da Sevgein in cuors da surcuser sut la direcziun da Christine Nay. – Ils 25 d'avrel fa lic. fil. Ursus Brunold in referat da dias davart il tema «Impurtonts objects d'art sacral en Surselva». Sco cumpletazion da quei referat, che ha giu liug ella Casa cumin a Glion, vegn ei fatg ina excursiun ella Lumnezia ils 3 da matg. L'organisaziun da quellas occasiuns ha la Ligia Romontscha giu.

Conferenza romontscha sursilvana – Il 12 da settember seradunan a Danis-Tavanasa tut ils scolasts romontschs ad ina conferenza romontscha sursilvana – in inscunter che ha liug en intervals dad in ni plirs onns tut tenor necessitat. El center dallas tractandas stattan ils diesch mieds d'instrucziun ch'ein gest introduci ni che stattan per cumparer. Plinavon sefa-tscentan ils scolasts dalla situaziun actuala da nossas scolas, dalla instrucziun romontscha e dils examens da recepziun ella scola secundara.

Ad interim negin center da scolaziun el Casti da Schluuin

Ils 20 da zercladur 1978, havevan ils commembers della Fundaziun dil Casti da Schluuin decidiu da crear ina fundaziun cul num «Casa per scolaziun Löwenberg/Schluuin» ed ils 28 da fenadur dil medem onn haveva ina radunanza numnau in comité d'acziun per quei intent. Sco ins sa denton leger ella Gasetta Romontscha dils 30 da settember ei il Casti vegnius schaus a tscheins per entgins onns ad ina uniun religiosa dalla Tiaratudestga.

Nova directura dil Seminari da mussadras dalla Ligia Romontscha

Ils 11 da mars elegia la suprastonza dalla LR Margarita Wagner-Friberg sco nova directura dil Seminari da mussadras dalla LR. Sia antecessura ei Ursi Nigg stada. Margarita Wagner-Friberg ei oriunda da Breil. Suenter il studi da pedagogia curativa instruescha ella en differentas scolas specialas dil Grischun.

Ils 26 e 27 da settember organisescha la Ligia Romontscha in cuors da formazion linguistica per ils scolasts da romontsch allas scolas medias dil Grischun. Iso Camartin referescha davart l'interpretaziun litterara, ferton che Alexi Decurtins plaida sur dils germanissem.

Alternativa per nosta bonvivante?

<i>abstiegevinu zsis bigA</i>	<i>recessos ob besemper</i>
Politica	61
Vana	181
	291

Niev president dalla Partida cristandemocratica da Glion

La radunanza annuala dalla PCD da Glion elegia directur Hans Herger sco niev parsura. El succeda a Leonard Cavegn che ha presidiau duront 7 onns la partida locala.

Discuors cun dr. Donat Cadruvi

En ina sentupada cun la Partida cristandemocratica dalla Foppa dils 16 da matg plaida cusseglier guvernativ Donat Cadruvi davart sias experienzas sco cusseglier guvernativ. Plinavon s'exprima el sur dalla politica d'energia, dalla avertura dalla Surselva en direcziun Lucmagn ed Alpsu, digl uorden da submissiun e sur digl acquist da schischom entras persunas jastras.

Era Lags fa part dalla Corporaziun da vischnauncas Surselva

La radunanza da delegai dalla Corporaziun da vischnauncas Surselva decida ils 27-6-80 da recepir la vischnaunca da Lags en siu ravugl. Ussa cumpeglia ella 44 dallas 48 vischnauncas dalla regiun. – Il quen administrativ siara cun entradas da 620 550 frs. ed expensas da 620 126 frs. La gronda part da quellas seresultescha dalla dismessa da rumians. – Ina instituziun da gronda muntada dalla corporaziun ei la scola da musica, dalla quala 749 scolars han fatg part. – Ordvert buns survetschs presta era igl agid da famiglias cun sias treis tgirunzas.

La Regenza grischuna a Mustér

Ils 23 da mars serenda la Regenza grischuna a Mustér per sentupar cun ils presidents communals e deputai dalla Cadi. En ina discussiun sefatschentan ils politichers da problems da viafier e specialmein dalla scursanida dallas subvenziuns federalas che caschunan al Grischun grevs problems. – Suenter quella discussiun meina Pius Condrau ils hospes atras la Stampa Romontscha. Sco finiziu viseta la Regenza la Claustra da Mustér.

Votaziun cantunala

Ils 28 da settember accepta il suveran grischun la lescha da perimeter e la cunvegna intercantunala per las contribuziuns allas universitads. Cheutras s'oblighescha il Grischun da pagar duront 6 onns ina contribuziun annuala per mintga student (cun dimora el Grischun) al Cantun cun universitat nua ch'el studegia.

Resultats

Cadi	Foppa	Lumnezia	Rueun	Lescha da perimeter		Agid allas universitads	
				Gie	Na	Gie	Na
1012	367	402	217	1197	192	1122	383
						1151	195
						507	269

Cumissiun dil Cussegl naziunal a Mustér

Ils 28 e 29 da matg seraduna la cumissiun predeliberaonta dil Cussegl naziunal a Mustér per tractar la lescha davart la sanaziun d'habitaziuns en muntoyna. Sut il presidi da cusseglier naziunal Andreas Dürr ed en preschientscha da cusseglier federal, dr. Fritz Honegger, decida la cumissiun per mauns dil cussegl naziunal da prolongir ed adattar quei impurtont agid allas famiglias dallas muntoagnas.

Economia

Niev baghetg per la cassa da Raiffeisen da Sagogn

La Cassa da Raiffeisen Sagogn sa inaugurar miez settember in niev suttetg. Quel cumpeglia 5 localitads, lu ulteriuramein il biro turistic da Sagogn e duas habitaziuns. Leo Deplazes ha fatg il project digl edifeci. Sur dalla historia dalla Cassa da Raiffeisen Sagogn, fundada 1947, ha Gion T. Deplazes scret ina cronica ella Gasetta Romontscha dils 19 da settember 1980.

Niev president dalla Banca Raiffeisen Mustér

Alla radunanza generala dalla Banca Raiffeisen Mustér remetta scolast Giusep Huonder igl uffeci da president ch'el ha administrau divers onns. En siu stagl elegian ils commembres Heinrich Huonder, secretari dil cumin dalla Cadi.

Farma d'aucas a Falera

La primavera e la stad vargada ei ina farma da ver 2500 aucas sin in mises da Falera, nua ch'ellas senutreschan per gronda part mo da pastg. Iniziant da quella interessanta idea ei Gieri Darms, apotecher a Samedan. Igl atun vegnan las aucas mazzadas, schelentadas ed allura offridas sco barsau per il temps da Nadal. Ina alternativa per nossa agricultura?

Varia

Periodica romontsche. Red.: Maxiin Bärth, Marcus Flury, Felix Fied.

Muster Stampa Romontscha, 1980. —

n. 2, Quinzianal, d. Tel. am 067 777 40 80. — Respect

Liunga perioda da schliata aura

La primavera e la stad fa ei ina liunga perioda da schliat'aura. Quei ha per consequenza ch'il fenar vegn retardaus considerablamein. Ad alp san ils purs ir cun 2 entochen 4 jamnas retard e per part ston els descargar, damai ch'ei muncava la maglia per ils tiers. Naven dils 20 da fenadur semida l'aura per cletg e suenter fa ei ina biala e caudal stad. Per ils purs en retard da fenar organisescha il Cantun in agid da voluntaris.

Ina bova interrumpa la communicaziun en Val Sumvitg

La notg digl emprem sin ils dus d'uost sederscha ina bova a val els Barschaus denter Cua e Portas. Sin ina distanza da ver 100 meters vegn la via ella Val Sumvitg curclada cun crappa, glera ed auter material, en tut ina massa da ca. 300 000 m³. Aschia ei la communicaziun cun la Val Sumvitg interrutta. — Damai che 36 autos — specialmein da hosps da vacanzas — sesanflavan ella Val Sumvitg — ston quels vegnir transportai ils 7 d'uost cun helicopter ora a Surrein, medemamein 12 maschinas agricolas ed auter material. — La vischnaunca da Sumvitg ha da sligiar il problem buca lev, co realisar puspei ina communicaziun segira cun la Val. Ils 29 d'uost decidan ils vischins da far ina suga naven da Gravas a Portas e lu, sco sligiazion definitiva, ereger ina punt seniester dalla bova ora ni in tunnel el cuolm. Grazia agl agid dil militer vegn ei fatg gia igl atun ina via provisoria sur la bova per ils armauls ed era construiu la funiculara, aschia che la communicaziun ei segirada per igl unviern.

Hendry, Toni. Il vaschmedd de Cavorgia. Notiziæ historiques. Secund. Ed. digiatur. 1979. — 19 p.

Nos morts

Ils 11 da matg ei igl anterius cusseglier guovernativ *Gion Bistgaun Capaul* da Lumbrein morts ella vegliadetgna dad 89 onns. Il politicher lumnezian ha surviu en plirs uffecis a vischnaunca, cumin, district e cantun. Duront decennis fa el part dil

Cussegli grond ch'el presidiescha 1927. Naven da 1935 entochen 1941 eis el cusseglier guvernativ sco cau dil departament da baghegiar. Suenter sia activitat d'ella Regenza eis el commember dil cussegli dalla Banca cantunala. Naven da 1943–1969 presidiescha Gion Bistgaun Capaul la Dertgira districtuala dil Glogn. El ei era s'engaschau per la cultura ed il lungatg romontsch. Ella «Cronica economica» deva el als auditurs dil radio ina buna survesta davart il svilup economic enteifer ed ordeifer nos confins. Gronds merets ha Capaul era per il Festival da Porclas 1952, dil qual el ei staus president dil comité.

El ruaussi en pasch!